


## Euskal AEko eraikuntzaren kostuak % 0,4 igo dira 2020ko apirilean aurreko hilaren aldean

**Aurreko urtearekin alderatuta (2020ko apirila 2019koaren aldean), kostuak % 0,8 igo dira**

Euskal AEko Eraikuntzaren Kostuen Indizea % 0,4 igo da 2020ko apirilean, aurreko hilabetearekin alderatuta, eta hilabete horretako urte arteko tasa, berriz, % 0,8 igo da, Eustatek emandako datuen arabera.

### Euskal AEko eraikuntzako kostuen indizearen urte- arteko aldakuntza-tasa. (%)



Iturria: Eustat. Eraikuntzako kostuen indizea

Aurreko hilabetearekin alderatuta, lehengaien kostuak % 0,5 igo dira, eta eskulanaren kostuak ez du aldaketarik izan (% 0,0).

Apirilean, Etxegintzaren azpisektoreak % 0,6ko igoera izan du lehengaien kostuan hil artean, eta Obraren azpisektoreak, berriz, % 0,1ekoa. Urtetik urterako bilakaeran, bi azpisektore horiek zeinu desberdinak dituzte; izan ere, Etxegintzako lehengaien kostuak % 1,0 igo dira, eta Obra Zibilekoak, berriz, % 1,8 jaitsi dira.

Sektoreak kontsumitu dituen lehengaien prezioen artean nabarmentzekoak dira hazkunde hauek 2020ko apirilean, 2019ko apirilarekin alderatuta: *Mineral ez-metalikoak* (% 3,3 gora), *Material elektrikoa* (% 1,6) eta *Material elektronikoa* (% 1,5). Aitzitik, lehengaien prezioetan

beherakadak izan dituzte hauek: *Petrolio*a fintzea (% 37,4 behera), *Energia elektrikoa* eta *gasa* (% 2,6) eta *Metalurgia* (% 2,3).

## EUSKAL AEKO ERAIKUNTZAKO KOSTUEN INDIZEA. ALDAKUNTZA TASAK (p). 2020ko Apirila

|                  | INDIZEA      | ALDEAREN % |            |            |
|------------------|--------------|------------|------------|------------|
|                  |              | m/m-1      | m/m-12     | m/abendua  |
| <b>GUZTIRA</b>   | <b>106,5</b> | <b>0,4</b> | <b>0,8</b> | <b>1,2</b> |
| Eraikinak        | 106,7        | 0,4        | 1,2        | 1,5        |
| Obra zibila      | 105,6        | 0,1        | -0,9       | -0,3       |
| <b>LEHENGAI</b>  | <b>105,9</b> | <b>0,5</b> | <b>0,5</b> | <b>1,0</b> |
| Eraikinak        | 106,2        | 0,6        | 1,0        | 1,4        |
| Obra zibila      | 104,8        | 0,1        | -1,8       | -0,9       |
| <b>LAN-ESKUA</b> | <b>108,2</b> | <b>0,0</b> | <b>1,8</b> | <b>1,8</b> |

Oinarria 2015=100

(p) behin-behinekoa

**Iturria: Eustat. Eraikuntzako kostuen indizea**

## OHARRA COVID-19AREN KRISIAK APIRILEKO EKI-N DUEN ERAGINARI BURUZ

Martxoaren 14ko 463/2020 Errege Dekretuak alarma-egoera deklaratu du COVID-19ak eragindako osasun-krisiaren egoera kudeatzeko.

Hartutako salbuespenezko neurrien ondorioz, sektoreko enpresa asko partzialki edo erabat geldiarazi dira.

Egoera horrek ekarri du Eraikuntzaren kostuen indizea egiteko behar den informazioa lortzeko beharrezko ahalegina handitu izana, hala inkestatutako enpresen aldetik nola informazioa biltzeaz eta tratatzeaz arduratzen diren langileen aldetik.

Eustatek eskerrak eman nahi dizkie lagundu duten sektoreko enpresa guztiei egindako ahaleginagatik aparteko egoera honetan. Haiei esker, apirileko indizea kalkulatu da industriaren prezioen indizeetarako eta eraikuntzaren kostuetarako erabilitako laginaren % 96,48ko estaldurarekin.

### Informazio gehiagorako:

Eustat - Euskal Estatistika Erakundea / Instituto Vasco de Estadística  
 Donostia-San Sebastián, 1 01010 Vitoria-Gasteiz  
 Prentsa-zerbitzua: [servicioprensa@eustat.eus](mailto:servicioprensa@eustat.eus) Tlf: 945 01 75 62